

Geert Kooistra a presenta buki traha riba Green Symposium 2 y su ideanan

ORANJESTAD(AAN):

Geert Kooistra no ta desconoci na Aruba. El a duna su contribucion e aña aki ainda den un Green Symposium dirigi na studiantenan di Aruba y tur loke el a trece dilanti, aspectonan discuti den e workshopnan, a worde hinca den un buki cu e ta presenta awor na pueblo di Aruba.

Geert Kooistra ta Strategic Spatial Planner and Change Agent di Planosfeer. El a biaha pa Aruba pa participa den e Green Confence. Kooistra ta conocu e trabaonan cu ta worde haci aki na Aruba riba maneho di energia sostenibel. Segun el a splica, el a participa pa prome biaha den Green Aruba aña pasa y despues den contacto cu Astrid Britten, di Biblioteca Nacional di Aruba, el a haya hopi informacion di tur loke e pais aki ta haciendo riba tereno di energia duradero y e relacion cu a cera cu Carbon War Room, y con hunto cu TNO ta poniendo e basenan pa un renobacion completo.

E ta recorda con Gobierno a crea e programa Green 'S Cool mientras cu BNA a bini cu e Green Sympo-



sium pa percura cu tur loke ta tumando lugha na Aruba, ta worde sinti cerca tur esnan cu ta biba na Aruba., "pa e hendenan bira consciente di loke ta pasa y kico nan mes tambe por haci," Kooistra a duna di conoce.

Den cuadro di esaki, BNA a haci e contactonan necesario pa trece Geert Kooistra Aruba den luna di april ultimo pa duna un serie di charla y workshop specialmente pa studiantenan riba kico Aruba ta haciendo, con special esaki ta y importante

con cada persona por contribui den esaki. Den cuadro di esaki e ta bisa cu Aruba lo por logra ta 100% sostenibel den aspecto di energia, pero pa logra economia duradero y sistema di bida duradero, esey ta tur hende mester contribui den dje. "Pero pa logra esaki, tur hende mester sa tur loke por worde haci y con cu cosnan chikito por contribui na pasonan mas grandi," el a bisa. Ta durante e charlanan aki el a priminti cu na final, e lo hinca tur conclusion den un buki cual a keda presenta na Gobierno

di Aruba. E buki ta titula "Green Education Aruba", y esaki lo ta e prome producto di exportacion di Aruba su conocemento. E buki cu ta contene 82 pagina ta consisti di un combinacion di ilustracion y texto. Su colega Petra Maas, a hinca e proposicionnan di loke por worde haci den "imagen" (ilustracion). El a menciona por ehempel ideanan pa desaroyo di San Nicolas of reciclahe. E ultimo aki ta e aspecto mas facil cu e ciudadanonan por cuminsa cune, mescos cu na Hulanda, unda ta pidi e ciu-

dadanonan pa separa desperdicio. El a señalá riba un di e proposicionnan titula "waste no waste". A papia di resto di materialnan organico, di berdura y frutanan, cu por worde uza. Den e caso aki a worde sugeri pa Santa Rosa traha fertilizante cu e resto di e material organico aki. E ta un forma pa stimula e hendenan den forma positivo, dunando nan un incentivo. E buki ta uno masha ilustrativo y ta inspira e hendenan pa participa den tur loke ta tumando lugha na Aruba. E ta kere cu na Aruba por crea hopi mas idea, specialmente cerca hobennan, pa logra yega na programanan educativo, basta cu nan haya e guia necesario. Pa Kooistra e hecho cu por demostra tur loke por logra ora cu mas cabez uni hunto pa pensa, e ora bo ta mas fuerte. Y lo por logra hopi mas tambe. E ta spera cu su buki ta un inspiracion pa logra hopi mas. Ya caba durante e presentacion den Green Conference, Turks & Caicos a expresa interes pa un buki similar, pero mester tin e instrumentonan pa yega na dje. Y aki na Aruba Gobierno a pone e escenario pa logra esaki.